

Pipolino, 3j.



suechet es nöiies Daheime i Wohnigshautig

Liebi Tierfründe

Lueget einisch, bin ig nid ganz en toue Chatr? Ig bi dr Pipolino uf dr Suechi nach eme nöiie Daheime. Warum? Sy hei mi aus Bébé vo eme Buurehof grättet u itze wohn ig siit guet zwöi Johr bi enere liebi Frou, abr leidr ou mit ere angeri Chatz zäme. Die schtresset mi würtlech, bi ou scho mängisch uf sy los, wiu ig wär doch so viu liebr Alleiprinz. Drum!

Ig bi chohlrabeschwarz (elegant, gäu?), 3jährig, kaschtriert, gimpft, schtuberein u verschpiut. Ig sueche ou immr d'Nächi vo mim Mönsch. Du dänksch, e Troumchatr? Schtimmt, das bin ig, aaaaber: itze chunnt's. Ig bi nid ganz gsung, ig ha es Härzgrüüsch, das heisst HCM, e Härzerchrankig, nid heilbar abr mit Medis i Schach z'haute. Momentan bruuch ig abr no chei Medis. U das koschtet haut es bitzeli, d'Medis u dr Doc u d'regumässigi Chontroue. Abr ig bruuches denn eifach, damit's mir guet geit, süsch wärd ig nid aut. Meinsch Du, das isch dinne bi Dir? Ig sött ebe drum es ruhigs entschannts Plätzli ohni Schträss ha. Ig mag ou immr wiedr mini Rue u ziehe mi denn zrugg. Bi Frömdi bin ig ziemlech en Schüecher, es wird duure, bis ig mi zeige u es bitzeli Vertroue fasse. Apropos Fasse: Aafasse isch ou nid immr so mis, u mängisch isch Schmüsele ou gar nid so schlächt. Ig wott abr säubr entscheide, wenn, bi gärn bi mim Mönsch, abr es bitzeli Abschtand ufm Sofa het ou öppis.

Ig wünsche mir es ruhigs entschannts Daheime bi liebi Lüüt, die wo mi uf Läbensziit wönnt verwöhne u piinlech uf mini Gsundheit luege. Dört, wo ig sy dörfti, wie ig bi. Ching u angeri Huustier wott ig nüm. E Nichtrouchr-Wohnig mit gsicheretem Baukon odr gsicheretem Garte, das wär tou, zum Sünnele u Vögeli beobachte. Geits bi Dir gmüetlech u ruhig zue u isch oft öpper dihei? U wärsch Du nid enttüscht, wenn ig nid immr so dr Schmusetigr bi? U hettsch mi trotzdem lieb? U würdsch Du uf mini Gsundheit luege? Das wär's. Denn müesset mir üs unbedingt lehre chenne. Ig wohne derziit no z'Zürich/ZH, zügile abr gärn zu Dir, wo ou immr Du wohnsch. Mäud Di doch ganz glii bi dr Sonja Ball. Sie het sich mir aagnoh u suechet für mi das nöiie Plätzli. Ig tröime scho einisch vo üs!

Din Pipolino



Katze sucht Mensch - Mensch sucht Katze

Sonja Ball

Tel.Nr. 079 333 45 62 (Mo-Fr 18-20h)

kontakt@katze-sucht-mensch.ch